

# **Derewol Piyer Didabol**

## *Haala Puddirka*

Binnudo derewol ɳol do innii hoore mum Simon Piyer, lilaado Yeesu Almasiihu.

O laatake seedeejo ji'udo no yeeso Yeesu waylitorii, o nanii bo daane Alla yiwune diga dow. O siwtorii no Yeesu wadii annabaaku dow maayde makko, kanko Piyer.

Piyer batay 6e o winnani, o batay bo to o woni o winniri derewol ɳol. Amma goondinbe Yeesu hande makko o winnani. Dum nandi bo hande Piyer winnii derewol ɳol der goonki mum sakitiinehi. O batanii ekkitinol makko ɳol o janjinoob. O batanii bo janninoobe fewrekuube warooobe gam biisa ko o ekkitini.

Ko derewol ɳol tiitii woni, finningo hakkillo 6e o winnani faa 6e ciwtora ko o janjini 6e. Der derewol ɳol, Piyer hollii kiita desaniika janninoobe pewe, o batanii bo munyal Alla mo yidaa baa gooto halka, amma himbe fu wittaa to makko, tuuba. O heennyitirii derewol makko e waggingo wuuroob6e ko Dewtere batii.

## **Tokkontirki haalaaji**

1. Cannooje, 1.1-2
2. Noddoore goondinbe, 1.3-21
3. Ekkitinooobe fewrekuube, 2.1-22
4. Wittoyki Yeesu Almasiihu, 3.1-16
5. Haalaaji cakitiidi, 3.17-18

## *Sannoore*

<sup>1</sup> Derewol njol yiwi e am min Simon Piyer. Mii laatii jaggiido e lilaado Yeesu Almasiihu. Mi sannii on, onon hebuße goondinki geeti hande ki amen, gam sabbu foonnaare Alla men, tawaane der Yeesu Almasiihu, kisinoowo. <sup>2</sup> Alla duudinana on moyyere e jam gam oon anni mo, kanko e Joomiraawo meeden Yeesu.

### *Hulugo Alla*

<sup>3</sup> Baawde Alla hokkii en huune fu ko haanani en buuriren, e no haani goniren e kulol Alla. Baawde den wallii en annugo Alla noddudo en kawten der tedduŋal mum, e geetaaku mum. <sup>4</sup> Diga e baawde den kebusen moyyereeji mawdi, teddudi, di gadanaden alkawal mum. O wadii dum gam kawton e makko, nandon mo, gam dadon suunooji duuniyaaru kalkooji. <sup>5</sup> Gam huune dum, tinnee, beydee dow goondinki moodon geetaaku, dow geetaaku, annal, <sup>6</sup> dow annal, nantaare, dow nantaare, tinnaare, dow tinnaare, kulol Alla, <sup>7</sup> dow kulol Alla, banniraagu, dow banniraagu, yidde. <sup>8</sup> To huune dum fu oon jogii dum no woodi, ko e dum beydo der moodon, dum wallan on beydaago yeeso yeeso der annugo moodon Joomiraawo meeden Yeesu Almasiihu. <sup>9</sup> Neddo mo huune dum jacci, laati nun bumdo, o yi'ataa, gam o yeggitii no Alla laafini mo diga e hakkeeji makko jawtudi.

<sup>10</sup> Gam majjum banniraabe am, tinnee no baawirdon fu, gam tabbitinon noddoore ne Alla noddii on, e cubol njol o subi on. Gam to on gadii dum on janataa der ko halli abada! <sup>11</sup> Hande non Alla maabitiranta on mammam dammugal Laamaare tabitiine, ne Joomiraawo meeden Yeesu Almasiihu kisinoowo en.

<sup>12</sup> Kanjum acci wakkati fu mii siwtora on huune dum, baa no oon anni dum, heba cemmidon der goonja ka jabudon. <sup>13</sup> Mii miili, edum foonnitii, mi finnina hakkillooji moodon faa ciwtoron dum to emii wuuri. <sup>14</sup> Gam mii anni mi booyataa e duuniyaaru do kade, hande no Joomiraawo meeden Yeesu Almasiihu anninirinmi dum.

<sup>15</sup> Amma mi wadan ko baawumi fu, gam to mi yawti, baawon ko siwtori kujje dee wakkati fu.

### *Teddunjal Almasiihu*

<sup>16</sup> E haalaaji di himbe tafi bane men anniniri on wittoyo Joomiraawo meeden Yeesu Almasiihu e baawde, amma men ceedike e gite amen manju makko! <sup>17</sup> Alla Baaba hokkii mo teddunjal wakkati daane ne teddunjal seedanii mo wi'i: «Oo do nun laatii Biyam jidaado, mo belirmi 6erne.» <sup>18</sup> Menen e ko'e amen men nanii daane nen diga dow kammu, gam emen gondunoo e makko dow waanne seniine.

<sup>19</sup> Dum don fu 6eydanii men tabbitingo ko annabiibe batunoo. On gadii ko woodi no gattudon hakkillooji moodon dow makka, gam haala ma6be e nandi hande fitilleel jalboowel der niwre, e hande hoodere fajiri\* jalboore der 6erde moodon faa de fajiri wadi, <sup>20</sup> Aran, annitee no walaa baawoowo ko faamini ko winnaa der dewte annabiibe e annal hoore mum. <sup>21</sup> Hande non, walaa mo meedi ko hebi haala annabaaku e sago hoore mum, amma Ruuhu Ceniido nun wadata himbe e bata haala Alla.

---

\* **1:19** Hoodere fajiri woni Almasiihu, jaynoowo der 6erde goondinbe dum. Daaru dewtere Kollitinki 22.16

## 2

*Janjinoobe fewrekuuþe*

<sup>1</sup> Hande no annabiiþe fewrekuuþe wonirno caka Isira'iilaabe, non bo janjinoobe fewrekuuþe wonortoo caka moodon. Be naannan janninol fewrekuuwol, kalkoowol, caka mon. Be jeddan Joomiraawo cooditiido 6e. Hande non 6e poodiranta ko'e maþþe halkere yaawune. <sup>2</sup> Himþe duuþþe tokkan laabi maþþe kalludi, sabbu maþþe, himþe batanan laawol goonja kalluka. <sup>3</sup> Suunooji maþþe waddanan 6e batugo haalaaji fewrekuuji gam 6e jammoo on, amma 6e doyyaamaa kiita diga dum booyii, halkere e nyudanoo 6e.

<sup>4</sup> Baa malaykaabe wadfunoobe hakke, Alla accay dum, o habbii 6e e callalluuji, o fasdi der niwre jahannama, faa nyalaane dargjal. <sup>5</sup> Alla accay duuniyaaru naane, amma o halkii yedduþe Alla e ilam tufaana, sey Nuuhu baajotoodo foonnitaare Alla, e himþe jeedido wobbe hisi. <sup>6</sup> Alla accay ci'e Sodoma e Gomora, o hiitake, o halki de e yiite faa de laatii dooni, gam dum laatanoo yeddoobe Alla fu misaalu. <sup>7</sup> O dadinii Luudu, neddo poonniitido, mo berne mum biisii puy sabbu baadiiji himþe bonþe. <sup>8</sup> Neddo poonniitido joodiido caka maþþe on, berne mum laabune naawi dow ko yi'ata, e ko nanata nyalaane fu, sabbu baadiiji bondi di himþe hallube waata.

<sup>9</sup> Edum holla en no Joomiraawo e anni no reenirta dowtantoobe dum der tooraaji mum. Oo anni bo no o resirta himþe hallube gam 6e kitiee nyaanne dargjal, <sup>10</sup> accu du tokkuþe suunooji galli mum, e wada jidaadi yonki mum, ko e yawii baawde Joomiraawo.

Janñinoobe fewrekuube ñen berde mum e yoori, bee goodi manju hoore, bee bata kalluka dow teddube wonbe dow kammu. <sup>11</sup> Nani bo, baa malaykaabe bee do buri be semme e baawde, batataa kalluka dow maÑbe yeeso Joomiraawo. <sup>12</sup> Amma himbe ñen e laatii hande bisaaji di galaa hakkillo, tagaadi gam nanjee, waree. Bee bata kalluka dow ko be annaa, gam majjum be kalkiran hande no bisaaji halkirta. <sup>13</sup> Be duggan riiba golle maÑbe kallude. Bee ceyoroo wadugo ko woodaa caka nyalooma. Bee laatii cobube e nyiddube. To be joodike gam be nyaamda e moodon der juulde, bee ceyoroo jammaago on. <sup>14</sup> Gite maÑbe sawtataa daarugo rewbe e suuno, be comataa wadugo hakke, bee pooda be goondinki mum walaa semme der pitti maÑbe. Berde maÑbe e hebbi suuno kegal, bone laatanto be. <sup>15</sup> Be accii laawol poortiijol, be majji, be tokki laawol Balaama, jidudo heba cede diga wadugo kalludum. <sup>16</sup> O felaama gam boofol makko. Babba makko muuma bati e daane neddo, hadi mo wadugo golle haajare makko.

<sup>17</sup> Janñinoobe fewrekuube ñen laati nun hande bulli di galaa diyam, e duule de hennu semmente-wol soggata, niwre burne niibugo nun Alla resani be. <sup>18</sup> Bee bata haalaaji mawnitiidi, di galaa hoore. Bee yoyra himbe e haalaaji suuno bannu. Himbe ñen wurtikeno ñum booyay diga majjube. <sup>19</sup> Bee kabbana be alkawal no be dindan, amma kambe e ko'e maÑbe bee laatii maccube suunooji kalludi. Gam moy fu laati nun maccudo ko jaalii ñum. <sup>20</sup> Wurtiibe e huune cobudum ñum duuniyaaru, go be anniti Joomiraawo e Kisinoowo men Yeesu Almasiihu, den ko be bittitii der majji kade faa

di jaalii ɓe, heennyitirde mabbe buran fuddoode jaasugo. <sup>21</sup> To ɓe annitayno laawol foonnaare, dum burananno ɓe, e annitingo ɳol, witta totta umuroore ceniine ne ɓe kokkaa baawo. <sup>22</sup> Ko tawi ɓe e tabbitina haala ballool ɳol do: «Rawaanu wittii e nyaamito tuure mum.» E wi'ee bo kade: «Afaaru lootaanu wittii e talloo der loope.»

### 3

*Wittoyo Joomiraawo meeden Yeesu  
(Matiye 24.37-38; 2 Tesalonika 1.7-10; Yahuuda 17-23)*

<sup>1</sup> Banniraabe am yidaabe, derewol ɳol do nun laatii didabol ɳol binnanmi on. Der dereeji didi dii fu, mii yidi finningo hakkillooji moodon gam wallugo on miilon no woodiri, ciwtoron ko ekkitinodon. <sup>2</sup> Ciwtoree haalaaji di annabiibe seniibe batunoo diga ko booyi, e umuroore Joomiraawo meeden kisinoowo, ne lilaabe mon annini on. <sup>3</sup> Aran, annitee dum do: Der nyalaade cakitiide, himbe jaancoobe, tokkube jidaadi yonki mum waran. Be jaancan on, <sup>4</sup> ɓe bi'a: «O habbii alkawru o wittaan, toy mo? Diga ko kaakiraabe meeden maayi walaa ko waylitii, no dum laatinoo diga fuddoode duuniyaaru, non dum laatii faa jooni.» <sup>5</sup> Be jeggitii e yidde mabbe no diga ko booyi, Alla tagi kammu e leydi e haala muudum. O wi'i leydi wurtoo diga diyam, go o tagiri ni e diyam, <sup>6</sup> e diyam gootam dam kade, duuniyaaru halkiraa e ilam tufaana. <sup>7</sup> E haala makko goota kan, o jogorii kammu e leydi, dum ji'eten jooni faa nyalaane darnjal yottoo, o halka dum der yiite e yeddube Alla.

<sup>8</sup> Banniraabe am yidaabe, to on jeggitee no to Joomiraawo, nyalaane woore e wa'i hande duubi ujuneere, duubi ujuneere bo e wa'i hande nyalaane woore. <sup>9</sup> Joomiraawo booyataa go hebbina alkawru mum, hande no wobbe mili, o munyan on nun tan, gam o yidaa baa gooto halka. Ko o yidi nun, himbe fu wittaa to makko tuuba.

<sup>10</sup> Nyalaane Joomiraawo waran hande gujo. Nyalaane nen, kammu majjitan e rimmo manjo. Ko woni dow kammu fu halkete e yiite. Leydi e golle gadaade dow mayri fu, hiitete. <sup>11</sup> To huune fu halkete hande non, sey annon no nyaamirton goonki mon der laabal, oon kuliri Alla! <sup>12</sup> Onon hedsiibe nyalaane Alla wara, gadee no ne warirta law! Nyaanne mum kammu halkan, huune ko woni dow kammu fu taayan e yiite. <sup>13</sup> Amma enen, een kedii hande no Alla haabhirani en alkawru, kammu keso e leydi keyri, to foonnaare tawetee.

<sup>14</sup> Gam majjum, onon banniraabe am yidaabe, tinnee latodon be galaa gacce, e tuuni yeeso Alla. Goodee jam der kawtal mon e makko, oon kedorii nyalaane nen. <sup>15</sup> Paamee no munyal Joomiraawo meeden maabitani on laawol kisidam. Kanka banniraawo meeden Pol, jidaado, winnani on der dereeji mum hande no Alla hokkiri mo hakkillo majjum. <sup>16</sup> Non o winniri dum der dereeji makko fu. Der majji e woodi nokkuuje godde to sad i faamugo, himbe be annaa godsum, e be bennay der goondinki e waylita miilooji makko, hande non be gadata e nokkuuje godde der Dewtere Ceniine. Be gaddanan ko'e maabbe halkere.

<sup>17</sup> Amma onon banniraabe yidaabe, on kebii

seedineego, to non kakkilee to himbe yeddube  
Alla majjina on, sottina on diga darande mon.  
<sup>18</sup> Mawnee der moyyere e annugo Joomiraawo  
meeden Yeesu Almasiihu kisinoowo en! Teddunjal  
laatanoo mo diga jooni faa abada! Aami!

**Alkawal Kesal  
Portions of the New Testament in the Fulfulde Borgu  
language of Benin**

copyright © 2011 SIM International

Language: Fulfulde Borgu (Fulfulde, Borgu)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-16

---

PDF generated using Haiola and XeLaTeX on 11 Nov 2022 from source files dated 9 Oct 2020

7104dd08-43ed-5b6c-bcfb-9f0e6052d5f3